

用海犀膏一大片於火上炙令焦黃色後以酥塗之又炙再塗令通透可碾爲末用湯化三大錢七放冷服之卽血止水膠是也大驗

食醫心鏡主上氣咳嗽胸膈痞滿氣喘

桃仁三兩去皮尖以水一升研取汁和粳米二合煮粥食之
又治一切肺病咳嗽膿血不止

好酥五斤鎔三遍停取凝當出醍醐服一合差

又主積年上氣咳嗽多痰喘促唾膿血

以蘿蔔子一合研煎湯食上服之

治卒身面腫滿方第二十四

道藏輯要

肘後備急方

完

虛集十

治卒腫滿身面皆洪大方

大鯉一頭醕酒三升煮之令酒乾盡乃食之勿用醋及鹽豉他物雜也不過三兩服差

又方灸足內踝下白肉三壯差

又方大豆一斗熟煮漉飲汁及食豆不過數度必愈小豆尤佳

又方取雞子黃白相和塗腫處乾復塗之

又方杏葉剉煮令濃及熱漬之亦可服之

又方車下李核中人十枚研令熟粳米三合研以水四升煮作粥令得二升服之三作加核也

又方大豆一升以水五升煮二升去豆內酒八升更煮九升分

三四服腫差後渴慎不可多飲

又方黃牛溺頓服三升卽覺減未消更服之

又方商陸根一斤刮去皮薄切之煮令爛去滓內羊肉一斤下葱豉鹽如食法隨意食之腫差後亦宜作此亦可常搗商陸與米中半蒸作餅子食之

又方猪腎一枚分爲七瓣甘遂一分以粉之火炙令熟一日一食至四五當覺腹脇鳴小便利不爾更進盡熟剥去皮食之須盡爲佳不爾再之勿食鹽

又方切商陸二升以酒三升漬二宿服五合至一升日三服之凡此滿或是虛氣或是風冷氣或是水飲之此方皆治之

道藏輯要

肘後備急方

卒

虛集十

治腫入腹苦滿急害飲食方

大戟烏翅末各二兩搗篩蜜和丸丸如桐子大旦服二丸當下漸退更取令消乃止之

又方葶藶子十兩椒目三兩茯苓三兩吳茱萸二兩搗蜜和丸如桐子大服十丸日三服

又方鯉魚一頭重五斤者以水二斗煮取斗半去魚澤漆五兩茯苓三兩桑根小皮切三升澤瀉五兩又煮取四升分四服服之小便當利漸消也

又方皂莢剝炙令黃剉三升酒一斗漬石器煮令沸服一升日三服盡更作

若腫偏有所起處者

以水和灰以塗之燥復更塗

又方赤豆麻子合搗以傅腫上

又方水煮巴豆以布沾以拭之姚云巴豆三十枚合皮咬咀水

五升煮取三升日五拭腫上隨手即減勿近目及陰療身體

暴腫如吹者

若但是腫者

剉葱煮令爛以漬之日三四度

又方兔絲子一升酒五升漬二三宿服一升日三服差

若腫從腳起稍上進者入腹則煞人治之方

道藏輯要



肘後備急方

全

虛集十

小豆一斛煮令極爛得四五斗汁温以漬臍已下日二為之

數日消盡若已入腹者不復漬但煮小豆食之莫雜喫飯及

魚鹽又專飲小豆汁無小豆大豆亦可用如此之病十死一

生急救之

又方削楸或桐木煮取汁以漬之并飲少許加小豆妙

又方生猪肝一具細切頓食之勿與鹽乃可用苦酒妙

又方煮豉汁飲以滓傅腳

附方食醫心鏡主氣喘促浮腫小便澀杏仁一兩去尖皮熬研和米煮粥極熟空心喫二合

備急方療身體暴腫滿

榆皮搗屑隨多少雜米作粥食小便利

楊氏產乳療通體遍身腫小便不利

猪苓五兩搗篩煎水三合調服方寸七加至二七

治卒大腹水病方第二十五

水病之初先目上腫起如老蠶色俠頭脈動股裏冷脛中滿按之沒指腹內轉側有節聲此其候也不即治須臾身體稍腫肚盡脹按之隨手起則病已成猶可爲治此皆從虛損大病或下痢後婦人產後飲水不即消三焦受病小便不利乃相結漸漸生聚遂流諸經絡故也治之方

葶藶一升熬搗之於臼上割生雄鷄雞合血共頭共搗萬杵服如梧子五丸稍加至十九勿食鹽常食小豆飯飲小豆汁

道藏輯要

肘後備急方

空

虛集十

鱧魚佳也

又方防風甘草葶藶各二兩搗苦酒和丸如梧子大三丸日三服常服之取消平乃止

又方雄黃六分麝香三分甘遂芫花人參各二分搗蜜和丸服如豆大二丸加至四丸即差

又方但以春酒五升漬葶藶子二升隔宿稍服一合小便當利又方葶藶一兩杏仁二十枚並熬黃色搗分十服小便去立差又方胡洽水銀丸大治水腫利小便姚同葶藶椒目各一升芒消六兩水銀十兩水煮水銀三日三夜乃以合搗六萬杵自相和丸服如大豆丸日三服日增一丸至十九更從一起差